

玉海



040
1000.12
34820

玉海卷第二十四

浚儀王應麟伯厚甫

地理

泉井

玉井四星在參左東南四星曰軍井易以巽水入
乎坎水之下而上出其水故爲井曰木上有水井
君子以勞民勸相以君養民使民相養皆取井養
之義

神農九井 社

漢郡國志南陽郡隨縣注盛弘之荊州記曰隨縣北

有厲鄉村重山有一穴相傳云神農所生又有周回
一頃二十畝地外有兩重塹中有九井神農旣育九
井自穿每汲一井則衆井水動卽以此地爲神農社
歲祀之水經注同 史記索隱淮陽有神農井 帝
王世紀神農起列山爲列山氏今隨厲山是也 國
史志潞州長子縣有神農井

黃帝井 益井

易井卦釋文周書云黃帝穿井世本云化益作井宋
衷云伯益也堯臣 淮南子本經訓伯益作井而龍
登元雲神棲崑崙能愈多德愈薄矣注伯益佐舜初

作井郭璞井賦曰益作井龍登天

黃帝泉

史記正義阪泉今名黃帝泉在媯州懷戎縣東五十
六里出五里至涿鹿東北與涿水合晉太康地理志
云涿鹿城東一里有阪泉上有黃帝祠

堯井

論衡傳言伯益作井龍登元雲神棲崑崙神農教民
耕耨耕土以爲田鑿地以爲井堯時五十之民擊壤
於塗觀者曰大哉堯之德也擊壤者曰吾日出而作
日入而息鑿井而飲耕田而食堯何等力堯時已有

井矣 郡國志注堯井在汜水東十五里

舜井

郡國志濮州姚墟有二井是舜井也 水經灤水注
山上有舜祠山下有大穴謂之舜井抑亦茅山禹井
之比矣

舜甘泉

水經注中山記曰郭東有舜氏之甘泉有舜及二妃
祀

禹井

漢地理志山陰縣會稽山在南上有禹井
後志注郭璞云有禹井

周軍井

周禮挈壺氏以令軍井注鄭司農云爲軍穿井井成挈壺垂其上以表井

管仲井

左傳莊三十二年春城小穀爲管仲也注小穀齊邑濟北穀城縣城中有管仲井

漢浮沮井

武紀元鼎六年秋遣浮沮將軍公孫賀出九原注臣墳曰浮沮井名在匈奴中去九原二千里見漢輿地圖匈奴傳漢已滅兩越遣故太僕公孫賀將萬五

千騎出九原二千餘里至浮苴井不見匈奴入而還

漢溫泉 唐溫泉 溫泉銘 浪井

漢武故事驪山湯初始皇砌石起宇武帝加修飾焉

張衡溫泉賦

余適驪山觀溫泉浴神井溫泉汨焉

以流穢今蠲除苛慝服中正兮

張衡東京賦溫泉液

湯泉薛綜注在河南梁縣界

左思魏都賦溫泉恣

涌而自浪華清蕩邪而難老注溫水在廣平都易縣

潘岳西征賦

南有湯井溫谷注雍州圖曰溫泉在

新豐溫泉在藍田縣界

王廙洛都賦雞頭溫水魯

陽神泉

周庾信溫泉碑序其色變者流爲五雲之

聚其味美者結爲三危之露豈獨醴泉清疾聞於漢
武之朝神水蠲痼在乎咸康之世 周王 溫湯銘
挺此溫谷驪丘之陰白礬上徹丹沙下沉 涓駉老
飛流瑩心

唐正觀四年二月巳亥幸溫湯二十二年正月戊戌
幸癸卯御製溫湯碑示羣臣滴開元十六年三月京
兆三原浪井出十九年六月辛未有浪井出於邠州
龍興觀之平地五色彪炳二十一年五月丁卯蘭州
有浪井出及醴泉湧 金人銘 溫泉銘唐太宗御製

并行書 張說有溫泉箴 文選雪賦注盛弘之荆

州記曰南陽郡城北有紫山東有一水冬夏常溫因
名湯谷水經注曰曲阿季子廟前井及潭常沸名曰
沸井沸潭

漢鹽井 火井

貨殖傳蜀多鹽井羅裒以鹽井富裒左思蜀都賦火

井沈熒於幽泉高爛飛煽於天垂蜀郡有火井在臨邛縣西南鹽井也

家有鹽泉之井臨邛漢安皆有鹽井充國縣有鹽井數十楊雄蜀都賦西有鹽泉鐵冶

郊祀志宣帝祠火井於鴻門注地理志西河鴻門

縣有火井祠火從地出初學記載異說臨邛有火井漢

室之盛則赫熾桓靈際浸微諸葛孔明一窺而更盛

漢金泉

地理志酒泉郡注師古曰舊俗傳云城下有金泉味

如酒

應劭漢官儀曰酒泉城下有金泉味如酒

漢鞠水 龍泉

地理志弘農郡析縣黃水出黃谷鞠水出析谷俱東

至酈入湍水師古曰卽金所謂菊潭也 南海郡龍

川縣注師古曰裴氏廣州記云有龍穿地而出卽穴

流泉因以爲號 國史鄧州南陽有菊水

賈誼井

水經注湘州賈誼宅地中有一井是誼所鑿極小而

深

漢疏勒城井 貳師泉

耿恭傳永平十七年冬騎都尉劉張出擊車師請恭
爲司馬舉奉車都尉竇固及從弟駙馬都尉秉破降
之始置西域都護戊巳校尉乃以恭爲戊巳校尉後
王部金蒲城謁者闕寵爲戊巳校尉屯前王柳中屯
客置數百人明年三月單于遣左鹿蠡王二萬騎擊
車師遂破殺後王安得而收金蒲城後解去恭以疏
勒旁有澗水五月乃引兵據之七月匈奴復來攻恭
恭募先登數千人直馳胡騎散走匈奴遂於城下擁

絕澗水恭於城中穿井十五丈不得水吏士渴乏至
竿馬糞汁而飲之恭仰嘆曰昔貳師將軍拔佩刀刺
水飛泉湧出今漢德神明豈有窮哉乃整衣服向井
再拜爲吏士禱有頃水泉湧出衆皆稱萬歲乃今吏
士揚水以示虜虜出不意以爲神明遂引去 唐李
嗣業傳爲疏勒鎮使漢耿恭故井久涸禱已泉復出
識者以爲至誠所感

魏墨井

左思魏都賦墨井鹽池元滋素液注鄴西高陵西伯
陽城西有石墨井井深八丈

唐氷井

百官志司農屬官上林令掌苑囿池季冬藏氷千
段先立春三日納之氷井以黑牡秬黍祭司寒啟氷
亦如之

會要

正元元年十二月九日敕立春日內

外兩井納氷二千五百段每段長三尺厚一尺五寸
令府縣澄潔供進 西晉庾綏有氷井賦

唐亳州九井

五行志

開元二十九年亳州老子祠九井涸復湧

劉義

慶幽明錄曰襄邑縣南
瀨鄉老子廟中有九井

開元二十九年正月亳州

刺史鄭愿奏混元廟中之井涌氣成雲五色相映三

月巳丑亳州奏老君廟九井先涸自奉詔增修觀宇
九泉皆涌枯木復榮括地志苦縣在亳州谷陽縣
界有老子宅及廟廟中有九井尚存在今真源縣
漢郡國志陳國若有賴鄉注伏滔北征記曰有老子
廟朝中有九井水相通古史考曰有曲仁里老子里
也

唐安寧鹽井

南詔傳安寧城有五鹽井元宗詔特進何履光以兵
定南詔取安寧城及井復立馬援銅柱乃還

唐醴泉

地理志涼州天寶縣本番禾天寶三載以山出醴泉

更名

三月丙子武威郡
上言見詳瑞類

正觀六年醴泉出丹霄殿西七年二月出緜州香溪
十一年九月醴泉出

唐井井 毛公井 韓公井

地理志滄州青池有井井開元二十年令毛某母老

苦水鹹無以養縣舍穿地泉湧而井民謂之毛公井

韓朝宗傳開元二十二年初置十道採訪使朝宗

以襄州刺史兼山南東道襄州南楚故城有昭王井傳
言汲者死人雖暘困不敢視朝宗移書諭神自是飲

者亡恙人號韓公井 宋祁作韓公井賦 裴識傳
帥靈武地斤鹵無井識誓神而鑿之果得泉

唐井泉 鷓鴣泉

地理志澤州高平有井水一曰丹水正元元年令明
濟引入城號井泉有省冤谷本殺谷元宗幸潞州過
之更名豐州西受降城北三百里有鷓鴣泉

唐應聖泉

楊朝晟傳正元九年爲邠寧節度十三年春請城方
渠合道木波以遏吐蕃路詔問須兵幾何報部兵可
辦帝問前日城五原興師七萬今何易耶對曰鹽州

之役虜先知之今薄戎而城虜料王師不十萬勢難
輕入若發部兵三日至塞下未三旬畢城積芻聚糧
留卒守之寇至不能援策野剪夷虜旦夕走屯方萬
全策也帝納其策師次方渠水乏有青蛇降險下走
視其跡水從而流朝晟築防環之遂爲停淵士飲仰
足圖其事以聞詔置祠命泉曰應聖已城
三月成吐
蕃悉衆至度不能害乃引去開地三百里

唐六井

白居易傳長慶二年爲杭州刺史始築隄捍錢塘湖
鍾洩井水溉田千頃復浚李泌六井其民賴其汲
六